


DONAMARTIRI Belekarre

Distantzia 4,7 km	Desnibela 180 m	Iraupena 1h45	Tipologia Itzulia	Zedarriak PR seinaleak
-----------------------------	---------------------------	-------------------------	-----------------------------	----------------------------------



Hazparnetik, Donapaleu eta Donibane Garaziko norabidea segitu (D22) 4 km-tan. Lekuinen, ezker itzuli Donapaleu aldera (D14). 6 km-ren buruan, Donoztiri zeharkatu. Donoztiririk ateratzean, bide zuzenaren puntan, harpeetara joateko bidea ezker utzi, eta Arberoa gaineko zubia iragan bezain laster eskuinera joan garajearen gibelean aparkaleku bat aurkitzeko.

GPS datuak : **UTM : 645878 - 4799663 Lat/Long : 43.33564/-1.20046**

Hazparne baino gorago, Arberoako ibarrak egun baketsuak iragaten ditu, zirkulazio bide nagusietatik aparte. Donoztirik eta Donamartirik elkarren artean partekatzen dituzte goi-ibarra eta gaurko ibilaldiaren bideak. Denentzat irisgarria den ibilaldia Eltzarruze behereko mendixketan, non behar den goratasuna hartuko dugun, oraindik eskualde menditsuak baizik zaintzen ez dituzten bocage paisaiez gozatzeko. Pentze berdeek, zuhaitzi ilunek eta paretarik zuriak herrixkek euskal giroz beteriko mosaiko bat osatzen dute. Bide bazterreko landaretza anitza da (elorri zuriak, gaztainondoak, haritzak, sasiakaziak, iratzediak), lurra segurki gisutsua eta karstikoa (lur azalean agertzen den lenarra, dolina, ur-begia). Taula didaktiko batzuek argibide gehiago emanen dizute lurpeari buruz, eta ondoan diren Izturitze eta Otsozelaiko harpeen bisita batek zentzuz osatuko luke Arberoan iragandako egun hori.



1. ZATIA > Aparkalekutik Karrikaburura


UTM : 645878 - 4799663

Kosteletetik aparkalekuaren gainean (120 m), etxe baten gainaldean kokatutako mundrunezko bidea segitu. Laster, erreka zeharkatu baino lehen, ezkerreko igo "Belekarre" geiziz seinalatutako bidexkan. Oihanean sartzen da eta harrobi ttipi zahar batetik hurbil pasatzen da. Atexka baten heinean (beriz hestekoa), beriz ezker igo bidexka bakarrean. Bihurgune bat gorago (Donoztirirako ikuspegia), haritz eta gaztainondo zaharrek oihanean sartu, non zurezko etxola bat aurkituko duzun.

2. ZATIA > Karrikaburutik Atxapuru lepora

UTM : 645988 - 4799168

Karrikaburuko etxola baino 100 m gorago, Y itxurako bidegurutzean (225 m), eskuin igo den bidexka hautatu, eta beriz ere eskuin hartu, bide belartsuan. Herrirako ikuspegia eta gero (geologia eta habitatar buruzko argibideak), bideak oihana topatzen du berriro eta ezkerrean, ibarxka batean sartzen da. Iratzedi lau luzea zeharkatu eta bost bideen elkargunera iritsi: pareko bidean segitu, "Belekarre" aldera. Argigunea eta gero, bidea igozten hasten da zuhaitzian (dolina oihantsua behereko aldean, eskuin) eta laster lepo argi bat aurkitzen du.



3. ZATIA > Atxapuru lepotik Arberoa ibarrera

UTM : 645760 - 4798032

Atxapuru lepoko T itxurako bidegurutzean (288 m), une batez eskuin jaitsi, eta ondotik, bidexka berriz igozten da kare-guneetatik. Harrizko eraikin baten ondoko bidegurutzean, ezkerreko bidexka belartsutik jaitsi; muinotik behera doa. Borda baten azpian, bidegurutzean (186 m), eskuinera joan, hesi bazterreko bidean. Gurutze baten heinean, Arberoa ibarrerako ikuspegi zabaleko bide batek hartzen du segida, laster oihan batean sartzen dena (harritz lepatuak). Lehen atexka bat iragan, eta borda baten bazterretik ibili.

4. ZATIA > Kosteletetik aparkalekura itzultzea

UTM : 645418 - 4798749

Borda eta 100 m urrunago kokatua den Y itxurako bidegurutzean (170 m), ezker jaisten den bidexka hartu (burdin hesia hetsi zure gibelatik). Hurrengo Y itxurako bidegurutzean, eskuineko bidexkan egon, pentze hesitua eta beste borda baten artean pasatzeko. Hirugarren atexkan, zuzen segitu bidexka zaharrean. Errepidearen bihurtze batera heldu eta, eskuinera segitu abiapuntura itzultzeko, ur-begi baten ibarxka batetik pasatu.



INTERESGUNEAK

❖ Elorri zuri eta astoarrosa (0,9 km)

Bidexka bazterrean, bi zuhaitzek landare hesi azkar batzuk osatzen dituzte, elorri zuria eta astoarrosa. Txoriak haien fruituetara erotuk badira eta aldaxken trinkotasunean hautuzko aterpe bat aurkitzen badute ohantzea egiteko (txepetza bezala), ibiltariak udaberrian sortzen diren lore ugariak estimatzen ditu.
UTM : 645863 - 4799265

❖ Sasiakazia (1,5 km)

Zuhaitz zabal horiek aski arraroak dira: berde arineko hostoak, txandakatuak eta pinatuak, arantza sendoak erramuetan, azala sakonki arraildua, lore biziki usaintsuak eta udaberrian ezti-emaeak, sasiakazia multzo bat da. Begira nola mihura errebitzeko prest diren.
UTM : 645961 - 4798414

❖ Arberoa ibarra (2 km)

Ibarxka batetik bestera pasatzeko eta bocage erako landa-paisaiarako ikuspegia estimatzen dugu, landare hesi artatuak eta zuhaitzi zainduak gune zutenetan. Berde ñabarduretako pentzeen gainean, Baigura, Artzamendi, Larrun urrunera, Urtsua eta Garralda tontorra.
UTM : 645760 - 4798032

❖ Ur-begia (4,4 km)

Biziki iragazkorra den lurzoru karetsuan iragazi ondotik, eurietako urak lurpeko ziloak betetzen ditu eta, maiz korapilatsua den sare batetik, azalera ateratzen da erreka baten itxuran, hemen ingurune hezeetako landaretzaz inguratutik, hala nola goroldioa eta orein-mihia.
UTM : 645827 - 4799459

EKIPAMENDUAK ETA ZERBITZUAK

2,5 km-tara (ibilbidetik kanpo) Izturitze eta Otsozelaiko harpeak bisitatu
UTM : 645769 - 4801806

Ibilbideen erabilbidea

ZAILTASUN MAILEN ADIERAZLEAK

Oinezkoen mendi ibilbideak zailtasunaren arabera sailkatuak dira zirkuitu bakoitzaren fitxa praktikoan.

Gisa horretan, Oinezko Ibilaldien Frantziako Federazioaren gomendioak jarraitzen ditugu.

Oso erraza: 2 oren baino guttiagoko ibilaldia.

Familian egiteko arras egokia, bide ongi markatuetan.

Erraza: 3 oren baino guttiagoko ibilaldia.

Familian egin daiteke. Bidexka batzuetan pasagune zailxeagoetan pasatuz.

Ertaina: 4 oren baino guttiagoko ibilaldia. Ibiltzeko ohitura duten ibiltariarentzat. Batzutan kirol mailako lekuetan edo desnibela duten maldetan.

Zaila: 4 oren baino gehiagoko ibilaldia. Ohitura duten ibiltari

kirolariarentzat. Ibilbidea luzea edota zaila da (desnibelatua, pasagune korapilatsuak).

MENDI BIZIKLETAZKO IBILALDIAK

Oso erraza: bide zabala eta gurpiletako egokia; 300 m baino guttiagoko desnibela.

Erraza: gurpiletako nahiko egokia den bidexka; 300m baino guttiagoko desnibela.

Ertaina: bidexka teknikoak, 800 m baino guttiagoko desnibela.

Zaila: bidexka oso zaila, 300 eta 800 m arteko desnibela.

DESNIBELA

Fitxetan agertzen den desnibela, goera guzieren gehiketa da.

IBILALDIAREN IRAUPENA

Zirkuitu bakoitzarentzat emana den iraupena gutxi gorabeherakoa da. Kontuan hartzen ditu ibilbi-dearen luzetasuna, desnibela

eta izan litezkeen zailtasunak. Ibilaldi denbora geldialdirik gabe kalkulatu da.

PR® LABELIZATUAK DIREN IBILBIDEAK

Label horren bitartez, Oinezko Ibilaldien Frantziako Federazioak onesten du oinezko ibilbide andana bat, kalitate irizpideen arabera. Hautua egiten da, plazer irizpideen, irizpide teknikoaren, turismo eta ingurumen irizpideen arabera (informazio gehiagorako: www.ffrandonnee.fr)

GPS DATUAK

Abiapuntuaren datua, latitude/longitudetan ematen da, zure ibilgailuaren GPSan sar dezazun. Gainerako datuak (ibilbi-dearen geldiguneak) UTM datuetan emanak dira. Hona erreferentziatzeko formatua: WGS 84 - UTM 30T

ZEDARRIZTATZE ITUNA

Hemen aurkezten dizkizugun bidexkak oinezkoen ibilbideak dira (PR®) eta horiz markatuak dira. Halarik ere, bide zati batzuk ibilbide luzeekin (GR) batera litezke; eta kasu horietan, marka zuri-gorri jarraitu beharko zaizkie. Ibilbide fitxetan zehaztuko zaizu hori.

	PR TOKIKO BIDEXKA	GRP® TOKIKO IBILBIDE LUZEA	GR® IBILBIDE LUZEA	VTT BIDEXKA
Norabide ona	—	—	—	▲
Itzul ezker	└┘	└┘	└┘	◀
Itzul eskuin	┘└	┘└	┘└	▶
Norabide okerra	✗	✗	✗	✗

Jokamolde egokiak mendi ibilaldietan

Ipar Euskal Herriko bidexketan ibili nahi bada, natura errespetatzen duen jokamoldea izan behar da, baina baita lurralde hori biziarazten duten emazte eta gizonak errespetatzen dituen jokamoldea ere. Horretarako, garrantzitsua da arau batzuk errespetatzea.

Abiatu aitzin, presta zaitetz

- Ez zaitetzela abia beharrezkoa den materialik gabe (mapa, ura, jantzi egokiak, etab.).
- Ez zaitetzela bakarrik abia edo, hala eginez gero, hurbileko bati edo herriko etxeari jakitera emaiozu (zenbait lekutan telefono sarerik ez da eta ezin atzeman bilaka zaitetzke).
- Erreketako ura ez ezazula edan eta ez zaitetzela honetan baina.
- Eguraldiari buruz informa zaitetz, erabat alda daiteke. Jakinean izan zaitetz garai hauek: lur-erretze, ihizi, oihan-lanetako eta abar.

Natura zain ezazu

- Zakua har ezazu zure hondakinak eramateko.
- Abereak urrunetik eta isilik beha itzazu.
- Basalorerik, baiarik edota onddorik ez ezazula bil baimenik gabe.
- Lekuan emana den seinaleetika errespetatu ezazu eta zaude bidexka zedarriztuetan.

Laborantza eta artzaintza aktibitateak errespetatu itzazu

- Autoan ibil zaitetz emeki abere taldeetatik hurbiltzean.
- Autoa aparka ezazu horretarako antolatutako diren lekuetan, zirkulazioa ez trabatzeko
- Ez zaitetzela ibiltzera joan zure zakurrarekin, bestela, loturik atxik ezazu.
- Xeilak hets itzazu, handik pasa ondoan.
- Ibilbideen gaindi dauden jabego pribatuak errespetatu itzazu.
- Libre diren animalengandirik urrun egon zaitetz eta ez itzazula bazka.
- Ez ezazula surik eta barbakoarik pitz.
- Kanpa ezazu baimenduak diren guneeetan bakarrik.

Zure hondakinaren kudeaketa

Zure ibilaldietan, hondakinak zure bizkar-zakuan atxiki itzazu. Etxerat heltzerakoan, hondakinak bereiz itzazu eta bigarren bizi bat ukan dezakete!

ZENBAKI BALIAGARRIAK

- Météo France:
08 99 71 02 64 edo 32 50
edo www.meteofrance.fr

- Sokorriak: Larrialdietarako zenbakiak: 112 - SAMU 15 - SUHILTZAILEAK 18



ZURE IRITZIA GURE BIDEXKEI BURUZ

Proposatzen dizkizugun ibilbideak arreta handiz landu ditugu. Zure irudipenak eta oharrak gure bidexken egoerari buruz interesatzen gaituzte, eta bidexkak egoera onean atxikitzeko aukera ematen digute. Gonbidatzen zaitugu edozein arazo edo ohar baliagarri jakinaraztera: sentinelles.sportdenature.gouv.fr

HELBIDE BALIAGARRIAK

Euskal Elkargoko Turismo Bulegoa: Turismoko harrera bulegoak:

- AHURTI : merkatuko plaza
+33(0)5 59 56 24 65
- BIDAXUNE : pilota plaza
+33(0)5 59 56 03 49
- HAZPARNE : Donibane plaza
+33(0)5 59 29 62 02
- BASTIDA : Pilota plaza
+33(0)5 59 56 03 49

PROFESIONALAK

Brebetadun profesional eta animatzaile anitzek laguntzen zaituzte ezagutuak diren bidexketatik kanpo. Haien zerbitzuetaz gozatzeko, harremanetan jar zaitetz Euskal Elkargoko Turismo Bulegoaren turismoko harrerako bulegoarekin.